



Informacijski podsjetnik

Br. 13 Stanovanje u starosti

"Stanjovanje u starosti" iskazuje se u različitim formama i tipovima stanovanja. Najvažnije forme su:

- Stambena zgrada za starije osobe
- Servis-stanovanje ili Skrb za stanovanje
- Zajedničko stanovanje
- Ambulantno njegovane stambene zajednice
- Njegovateljski dom

Ti tipovi stanovanja razlikuju se u intenzitetu njege i stepenu samostalnog stanovanja.

Stambena zgrada za starije osobe

Stambena zgrada za starije osobe označava stambenu zgradu sa stanovima samo za starije osobe koji položajem i izvedbom zgrade i osobinom stanovanja nude uslove za starije osobe. Izvedbe stanova u pojedinačnim kućama jako su različite. Općenito ne postoje dodatni servisi. Međutim, u nekim stambenim zgradama za starije osobe postoji socijalna skrb i savjetovanje kroz njegovatelja starijih osoba.

Iako mnoge stambene zgrade imaju različite izvedbe, dosta njih ima zajedničke prostorije i dizala. Korištenje stanova od strane osoba u invalidskim kolicima jedino je moguće kod vlastitog stana. Preduslov za selidbu u stambenu zgradu za starije osobe uglavnom je dozvola za odobrenje (WBS). Budući stanari bi trebalo da budu sposobni da samostalno vode svoje domaćinstvo.

Servis stanovanja (vidi Informacijski podsjetnik br. 14)

Pojam "Servis-stanovanje" nije jasno definiran, zaštićen opis, nego se takođe opisuje kao stanovanje plus ili njegovano stanovanje. Zgrade servisnog stanovanja razlikuju se u svojoj izvedbi i ponudi usluga. Svim konceptima je zajedničko da se kod te forme radi o samostalnom stanovanju u ličnom, zatvorenom stambenom prostoru s dodatnim ponudama usluga.

Servis je jako različit i kreće se od uređaja za hitan poziv u stanu preko domarskih usluga, kulturnih ponuda do kontakt osobe ili mjesta za njegu na licu mjesta.

Usluge se između svih stanovnika dijele u plaćanje osnovnih usluga (osnovni servis) i ovisno o potrebi u individualne izborne usluge (izborni servis), gdje nadoknade za najam stana, osnovni i izborni servis, određuju stvarne troškove. "Rezidencija za starije osobe" kao posebna forma servis-stanovanja je visokovrijedna zgrada za stanovanje više kategorije.

Zajedničko stanovanje

Pod pojmom "Zajedničko stanovanje" obuhvaćeni su projekti stanovanja koji potiču i stvaraju zajedničko stanovanje. Mogu se razlikovati u veličini kao i u strukturi stanovnika. Postoje kućne zajednice, zadruge, generacijski izmiješani projekti ili stambene zajednice. Uglavnom se radi o samoinicijativnim projektima stanovnika.

Ambulantno njegovane stambene zajednice (vidi Informacijski podsjetnik br. 29 i 30)

Poseban oblik zajedničkog stanovanja stvaraju ambulantno njegovane zajednice ili njegovateljske stambene zajednice za osobe s tjelesnim, psihičkim ili mentalnim oštećenjima. Te zajednice se shvataju kao alternativa njegovateljskom domu. Tu uglavnom žive osobe s visokom potrebom njege i podrške, pogotovo starije osobe oboljele od demencije kojima njega u kući više nije osigurana.

Njegovateljski dom (vidi Informacijski podsjetnik br. 11 i 12)

Njegovateljski domovi su stacionarne ustanove za osobe čija njega unutar vlastitog stana ili drugih ustanova više nije moguća. Stanovnike njegovateljskog doma kompletno opskrbljuju i njeguju preko cijelog dana. Domovi su opskrbljeni sa sobama za jednu ili više osoba. Djelimično teže posebnoj njezi i opskrbi za osobe oboljele od demencije ili osobe koje leže u komi. Preduvjet za prijem u njegovateljski dom je priznanje potrebe njege u stacionarnom okruženju kroz medicinsku službu zdravstvenog osiguranja (MD).

Druge njegovane forme stanovanja

Njegovano pojedinačno stanovanje, terapijske stambene zajednice, prelazni stambeni domovi kao i krizni stanovi koncipirani su za ciljane grupe, gdje dob nije glavni kriterij. Ciljane grupe su npr. psihički bolesnici, ovisnici, beskućnici, invalidi. Tu pristup nije jednostavan. Za te osobe potrebna je posebna procjena liječnika (psihijatra).

Rado će Vam dati savjet saradnici i saradnice Odjela za pružanje njege

www.pflegestuetzpunkteberlin.de

Nosioci Odjela za pružanje njege su berlinski zavodi za njegu i Pokrajina Berlin